

Kapel na Marinierskazerne na Savaneta ta cumpli 50 aña di existencia



DIADOMINGO 8 maart proximo, lo tin un sirbishi special pa celebra e 50 aniversario di e Kapel na Marinierskazerne.

E Kapel na aki a cuminsa wordo uza riba 6 maart 1965. Locual ta nifica cu e aña aki e Kapel tin mita siglo di existencia. Di varios manera e congregacion lo bay observa e ocasion aki.

Por ehempel, e aña aki lo aparece un buki di aniversario cu potretnan unico, cu ta bay bek te na añanan sesenta di e siglo pasa. Aki den tambe lo haya storianan, anecdota y impresionnan di pastornan y predicadonan kendenan a sirbi e congregacion di e Kapel. Personanan interesa den un copia di e buki aki por tuma contacto cu pastornan di e Kapel na kapelsavaneta@gmail.com.

50 Aña di inspiracion y interes

Den e celebracion di diadomingo awo 'Hoofdkrijgsmacht-almoezenier' Jules Post lo ta e pastoor cu lo hiba e Palabra, y

tambe sirbi e Santa Cena. Musiconan cu lo participa den e sirbishi ta inclui Catherine

Provence-Hanrath riba piano, Gerrald Martes riba dwarsfluit, y Franklin Granadillo riba trompet.

E sirbishi lo cuminsa na e ora di custumber pa 9:30 a.m. Tambe lo tin un celebracion special pa e muchanan, y cuido pa esunnan mas chikito. Despues di e sirbishi (pa mas o menos 11:00 a.m.) lo tin un recepcion den e Longroom di Kazerne.

E congregacion ta yama bon bin na un y tur cu kier ta parti di e celebracion di e Kapel.